



Kersuitgawe

52 ste Nuusblad van Streek Rietvallei
Desember 2021



Inhoudsopgawe

- Rietvallei Bestuur
- Kersboodskap vanaf Voorsitter
- Redaksie
- Senior Burger hoekie
- Bak en Brou
- Gedaantes en Geraamtes
- Verjaarsdae
- Huwelikshedenkings
- Toekennings 2021
- Afsluitingskamp
- Jaarprogram
- Advertensies

Rietvallei Bestuur

Voorsitter

Pieter Viljoen 078 094 7436

Ondervoorsitter

Rudi Britz 083 309 9664

Penningmeester

Tjaart Klaasen

Sekretaris

Johan la Grange 063 132 8151

rietvallei.sawasekr@gmail.com

Redakteur

Magda Britz 082 083 9295

Senior Burgerverteenvoordiger

Elmarie le Roux 083 551 9367

Pieter le Roux 083 258 3613

Dirk Maree 072 783 3221

SAWA Webblad:

www.sawa.org.za



Boodskap vanaf die Voorsitter

Rietvallei vriende

Hoe vining en skielik het die tyd aangebreek om al weer mekaar te groet met die woorde: "Geseënde Kersfees en Voorspoedige Nuwejaar"

En terwyl ek dit sit en uitwerk, besef ek skielik my ouers was reg. Hulle het mos altyd gesê dat hoe ouer jy word hoe korter raak die dae. Nou deesdae verstaan ek dit.

Terug by die Kerstyd. Hoe wonderlik is die wete dat ons die voorreg het dat 'n Man vir ons gesterf het sodat ons die ewige lewe kan beérwe sonder dat ons te veel moet of kan doen. Ons kry hierdie geskenk uit die wonderwerk van Die Kindjie wat gebore was uit die Maagd Maria.

Amen, daarvoor.

Hiermee saam word ons elke dag so mildelik "Gebless" dat ons niks kort kom nie. Die wonderwerk hou net aan en aan in ons lewens.

Maar ek wil nie preek nie, want ons almal ken gelukkig die blye verhaal. Ek wil egter vra dat ons gedurende hierdie feestyd meer sal klem lê op die volgende:

Gee Meer: Lag meer: Wees Verdraagsaam: en bowenal tel elke oggend jou seëninge een vir een.

Ek vermoed as ons dit doen sal ons weer Januarie 2022 krag hê om ons dagtaak met oorvloed te kan doen.

Geniet n wonderlike feestyd.

Groete

Pieter en Magdaleen Viljoen



Redaksie

Sit aan die ketel (Yolande Brittnell-Steyn)

Hierdie krismis gaan ek plat sit,
Ek gaan kaalvoet loop op n stofpad.
Ek gaan ver verby alles kyk wat blink en fancy strikke op presente.
Ek gaan onthou hoe eerbiedig God was aan elke bid van my.
Ek gaan nederig raak soos n donkie wat die Heilige dra.
Ek gaan my jaar se manna dae onthou.
Toe ek hande vol van God se goedheid kon optel.
Hoe die liewe Vader my jaar se storms een een stil gemaak het.
My loop haal het waar ek duskant nêrens verdwaal geraak het.
Dat ek na nog n jaar weer kan onthou dat God nie n horlosie dra nie, net mense.
Dat ek nie altyd alles kry wat ek wil hê nie, maar presies alles wat ek nodig het.
En net soos 3000 jaar terug is elke jaar self beplan deur die HERE en HY het
Homself my voetpad gelyk geskraap.

Yolande se web adres is : www.sitaandieketel.co.za

Ek het eers die nodige toestemming verkry om hierdie stukkie te plaas. Doen jouself n groot guns en gaan loer op haar webwef.



Senior Burger hoekie

KERSBOODSKAP

Met 'n masker, skoon gewaste hande en 'n sosiale afstand stap ons die kersgety binne. Die goeie nuus is dat dit beslis 'n somer kersfees gaan wees met al die milde reën die afgelope tyd.

2021 was 'n jaar van hoogte en laagte punte. Baie van ons lede was siek en ander het operasies ondergaan. Een van ons lede was in 'n ongeluk betrokke. Met genade van ons Hemelse Vader is almal gespaar en weer op pad na gesondheid.

Mag dit 'n geseënde Kersfees vir almal wees saam met u geliefdes. Laat ons saam met die engele van ouds sing...

"Ere aan God in die hoogste Hemel

en vrede op aarde."

Voorspoed vir die nuwe jaar.

Mag ons nog lank en gelukkig saam kamp.

Elmarie



BAK EN BROU

Mayonnaise Sous

250 ml mayonnaise
250ml suurroom
2 e fyngekapte ontpitte soetrissies
1 e fyngekapte grasuie
1 e fyngekapte pietersielie
5 ml suurlemoensap
5 ml aangemaakte mosterd

Meng al die bestanddele en toets vir smaak. Hou in yskas tot benodig.

MOSTERTSOUS

100 ml mayonnaise
10 ml aangemaakte Mostert
150 ml suurroom
12,5 ml suurlemoensap
25 ml kondensmelk
sout en peper

Meng al die bestanddele en geur volgens smaak.

TAMATIE KRUIESOUS

4 Groot ryp tamaties, fyngerasper
50 ml tamatiesous
10 ml worcestersous
1 e wynasyn
25 ml olie
5ml aangemaakte Mostert
paar druppels rissiesous

Meng al die bestanddele. Proe daaraan en voeg die nodige by. Plaas in koelkas tot benodig.

KRUIE-SOUS

12,5 ml botter
10 ml olie
25 ml fyngekapt uie
5ml worcestercou
5ml aangemaakte Mostert
12,5 ml worcestersous
12,5 ml tamatiesous
12,5 ml asyn
1 e bruinsuiker
knippie rissiepeper en neut

Smelt botter en olie. Soteer uie tot glaserig. Voeg res van bestanddele by. Meng goed. Laat opkook. Proe daar aan en geur met sout en peper. Sit koud of warm voor. Dit is ook 'n baie lekker sous om oor gebraaide biefstuk te skep net voor ete.

Gedaantes en Geraamtes

'n Anderwêrelde storie (Joanita Erasmus-Alt)

In 'n rooidakhuisie aan die buitewyke van 'n groot rumoerige stad het Kaszap Eva gewoon. Agter vierkantige vesters bokant males malvas in heuningbruin potte het Eva wydsbeen agter haar harp getreur. "Dis die mense van hierdie stad" het Eva gesnik en haar kop teen die harp laat rus.

Aanvanklik was Eva bang, en ahloewel sy eensaam in die vreemde stad was, het sy die vreemdelinge se klop aan haar deur ignoreer. Maar, soos dit 'n meisie met 'n goeie opvoeding betaam, het sy tog die klop begroet en die mense wat in die vreemde taal praat, ingenooi en tee en Dobostorte (hongaarse tert) aan hulle bedien.

"Jy moet oppas." Het die harp gewaarsku.

"Waarvoor?" het die meisie gevra.

"Vir die mense van hierdie tyd," het die harp gesê. "Hulle praat kwaad. Hulle gedagtes is verdorwe."

Maar as die deurklokkie lui, het Eva die harp neergesit en die mense van die vreemde stad ingenooi.

Na jare in die vreemde stad het Eva die vreemde taal leer verstaan en was sy geskok.

"Hoekom het jy my nooit gesê nie?" het sy die harp verwyt.

"Maar ek het," het die harp verdedig.

Van daardie dag af wou Eva nie meer die mense van die vreemde stad in haar woonstel met die malvas en die vars gebak ontvang nie.

Op haar harp het sy gespeel. Musiek van Liszt en Dohnayi en Magjaarse volkswysies.

Maar die mense van die stad was uitgeslape. Hulle het deur die oop vierkantige vensters geklim tot binne in Kaszap Eva se rooidakhuisie.

"Wat maak julle hier?" het Eva gehuil.

"Ons soek van jou vars gebak," het hulle geëis, "en van jou vrolike Magjaarse musiek."

"Gaan asseblief," het Kaszap Eva gepleit.

Maar die mense van die vreemde stad het weer en weer gekom.

Op 'n dag was Eva besig om appelliefiekonfyt te maak toe sy haar harp pizzicato-akkoorde hoor sing. Met hande wat drup van die taai sous het sy uit die kombuis gestorm.

"Wat dink jy doen jy?" het Kaszap Eva op die jongman wat agter die harp sit, gegil.

Smalend het hy sy vuil vingernaels oor die snare getrek.

In 'n oomblik van woede het Eva die jongman aan die kraag gegryp, hom by die trap opgesleep en in die solderkamer van haar rooidakhuisie opgesluit. Na 'n week was daar drie vreemdelinge in die solderkamer toegesluit. Bedags het hulle so aan die deur gehamer dat Eva skaars die musiek van haar harp kon hoor.

"Laat hulle vry," het die harp gesê.

"Nee! Hulle sal maar net weer en weer kom."

"Maar hulle is seker honger," het die harp gesê.

"Ek kan nie iemand wat met vuil naels op my harp speel, met Dobostorte aan die lewe hou nie."

Tog het Eva elkeoggend 'n bottle appelliefiekonfyt vir die vreemdelinge in die solderkamer geneem. Met verloop van tyd het die houtvloer begin kreun onder die gewig van die dikgevrette vreemdelinge.

"Wat gaan jy doen?" het die harp gevra.

Kaszap Eva het wydsbeen agter haar harp gehuil: "Dis die mense van hierdie stad."

"Vra die wyse meneer Gyula," het die harp voorgestel. "Hy sal raad hê met die vreemdeling."

"Jy moes jou nooit met hierdie vreemde mense bemoei het nie!" het meneer Gyula geraas.

"Hulle praat nie ons taal nie!"

Eva het haar kop teen die harp laat sak en bitterlik gehuil.

"En dan voer jy hulle nog met jou soetighid ook!" Meneer Gyula was kwaad. "Al wat ons nou kan doen, is om hulle te laat sterf."

"Nee, nee, meneer Gyula! Dit sal ek tog nooit doen nie!"

"Hulle sal jou van al jou soetigheid beroof, Eva. Jy moet na my luister."

Nag na nag het die hongeres gesoebat.

"Lê!" het die harp geraas. "Jy moet doen wat meneer Gyula bevel het."

Vir nagte aaneen het Eva die gesoebat verduur.

Uiteindelik het dit stil geraak. Sy het meneer Gyula laat kom.

"En nou, meneer Gyula?" het Eva gevra. "Wat doen ons nou?"

"Bring jou harp," het meneer Gyula gesê, "en kom sit hier neffens my in die tuin."

Meneer Gyula het 'n diep gat in die tuin gemaak. Die sak met bene wat hy van die solderkamer af gebring het, het hy in die tuin begrawe. Terwyl hy die gat toegooi, moes Kaszap Eva op haar harp speel. Sy moes die musiek speel wat meneer Gyula spesiaal vir die geleentheid gekomponeer het.

En terwyl sy speel, het Eva gesing: "Kyrie eleison; Christie eleison; Kyrie eleison."

(Lord have mercy upon us) (Griekse vertaling)



Verjaardae

Desember verjaardae

5/12	Amber de Wagenaar	
19/12	Gideon van Zyl	Mag jy al die geluk ontvang wat jou hart kan hanteer, al die glimlagte wat 'n dag kan bring, en al die seëninge wat 'n leeftyd kan gee.
21/12	Magdaleen Viljoen	
23/12	Corlea Eksteen	
24/12	Frik Coetzee	Gelukkige verjaardag vir julle.
29/12	Henk Kahts	

Huweliksherdenkings



As jy wil hê iets moet vir ewig hou,
dan troetel jy dit met meer spesiale sorg,
 jy beskut en beskerm dit,
 jy verwaarloos of mishandel dit nooit,
 jy maak dit nie gewoon of ordinêr nie.

As dit sy glans verloor en begin verdof,
 dan poleer jy dit weer
 totdat dit sprankel soos nuut.
 Dan word dit spesiaal
 omdat jy dit so gemaak het
 en dit groei mooier as ooit tevore
 en word kosbaar soos tyd aanstap.

Aan almal wat huweliksherdenkings het, gehad het en nog gaan hê, baie geluk en koester mekaar. Wees lief vir mekaar want die lewe is so kort en kosbaar

Toekennings



Pieter wens Chris Delport geluk met sy verkiesing as President van SAWA




Chris Delport oorhandig Nasionale Meriete sertifikaat aan Margriet van den Berg

Wim en Margriet - 280 Streek toekenning

Frans en Stefanie - 175 Algemeen toekenning


Hennie en Anne-Marie - 160 Streek Toekenning

Mel En Lettie - 150 Algemeen Toekenning





Phillip en Nita 25 Alg. Bertus en Dalena 75 Alg. Ann 100 Alg.



Afsluitingskamp 2021



Kampkoördineerders by SanChalEn

Pieter en Magdaleen, Dirk en Marleen, Elmarie,
Marietjie en Tjaart, Pieter, Johan en Erna en
Klaus.



Jaarafsluiting by
SanChalEn.

Heerlik gekuier en die kos
uit die boonste rakke!



Kuier onder die groot tent
met die afsluitingsfunksie



Frans neem dieoggend
boekvat waar.

Rietvalleiers onder die
groot tent vir boekvat
geleentheid.



S.A.W.A. S treek Rietvallei

2022 JAARPROGRAM



Kampe wat in blou gemerk is, is Streekskampe en tel vir 100% bywoning.

DATUM 2022	OORD	TIPE KAMP	KAMP KOORDINEERDERS
19 Jan	Tamboti Vreugde	Seniorburger saamtrek	Seniors
21 Jan		Streekskamp	Frans & Stefanie
18 Feb	Klein Paradys Modimolle	Streekskamp	Pieter & Magdaleen
18 Mrt	Zelpy	Streekskamp	Dirk & Marleen
14-18 April	Klipdraai	Presidente	SAWA Nasionaal
20 Mei	Mabalingwe	Streekskamp	Hans & Erna
24Jun-1Jul	Weesgerus	Gebiedskamp	Gebied Jakaranda
05 Aug	Nkwe	Streekskamp & AJV	Rietvallei Bestuur
14 Sept	Hartbeeshoek	Seniorburgersaamtrek	Seniors
16 Sept		Streekskamp	Jan & Gerda
21 Okt	San Cha Len	Streekskamp	Bertus & Dalena
18 Nov	Weavers Roost	Streekskamp en Jaarafsluiting	Rietvallei Bestuur

SAWA lede met besighede of stokperdjies!!

Ons sal jul advertensies plaas vir slegs R250 vir die jaar! Belangstellendes kan gerus 'n voorbeeld van die advertensie vir Magda Britz (magdabritz@gmail.com) deurgee.



van ons huis na jou huis,
naby en ver.
Aan al ons familie
en vriende,
Ons wens jy 'n
GESEEËNDE
KERSFEES
en 'n voorspoedige
nuwe jaar toe.
xxx



Magda Britz